



## Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris  
Theologia Tripartita Universa**

Complectens nunc Bibliothecam perfectam Viri Ecclesiastici, ordine  
sequenti

Controversiae Heterodoxae Ac Scholasticae - Cum speciali Notitia rerum  
Modernarum, & Chronologia totius Monarchiae Sacrae, & Saecularis,  
Pontificum, Conciliorum &c. Haeresum omnium, ac Propositionum  
damnatarum Mundi Sex Aetatum ...

**Archdekin, Richard**

**Dilingae, 1687**

§. 1. Spectantia ad convocationem, normam, ac potestatem Concilii  
generalis.

**urn:nbn:de:hbz:466:1-38447**

Penitentia gloria. Peregrinus Apostolicus.  
Rastrum in porta. Aquila rapax.  
Flores circumdat. Canis & Coluber.  
De bona Religione. Vir Religiosus.  
Miles in bello. De baluicis Æthuriæ.  
Columna Excelsa. Crux de cruce.  
Animal rurale. Lumen in Cœlo.  
Rosa Umbriæ. Ignis ardens.  
Ursus velox. Religio depopulata.  
Fides intrepida. Fides intrepida.

Pastor Angelicus.  
Pastor & Nauta.  
Flos Florum.  
De medietate Lunæ.  
De labore Solis.  
Gloria Olivæ.

In persecutione extrema S.R.E. Sedebit Petrus Romanus qui pascet oves in multis tribulationibus, quibus transactis Civitas septicollis diruetur, & Judex tremendus judicabit populum suum. Finis.

Quæ ad Pontifices pro explicatione sunt adducta, non sunt ipsius S. Malachiae, Sed R.P.F. Alphonsi Giaconis Ordinis Prædicatorum hujus Prophetæ interpres, usque ad GREGORIUM XIV. Cetera ex W'ion.

## QUÆSTIONES RELIQUÆ

De Conciliis Generalibus, ac Particularibus, cum  
varia eorum notitia.

§. I.

*Speculantia ad convocationem, normam, ac po-  
testatem Concilii generalis.*

Cum de Conciliis, corumque potestate pleraque Theologo necessaria haec tenus tradiderimus, opere pretium erit alia hic adjungere, que ad ubiorem eorum notitiam non tantum in Controversiis fidei, sed etiam in Theologicis, ac Canoniciis resolutionibus usum frequentissimum habere solent. Suppositis ergo assertionebus quas haec tenus stabilivimus.

Dico ulterius primò; Ad Concilium generale legitimum requiritur imprimis, ut à Romano Pontifice, vel cum ejus assensu convocetur, aut saltem ab ipso ejus convocatio rata habeatur.

Quia si Christus in terra conspicuus suam Ecclesiam per se gubernaret, haud dubie ad illum spectaret Concilia generalia convocare. Ergo Christo in cœlum recepto munus illud ad legitimum illius in terris Vicarium pertinere debet, non verò ad Imperatores, aut magistratus seculares, ut contendunt hæretici. Unde factum ut Concilia ab his absque Pontificis consensu coacta, haec tenus in Ecclesia pro illegitimis habita fuerint, nisi postea subsecuta sit Pontificis approbatio.

Secundò requiritur, ut per se, vel suos Legatos Pontifex Concilio præsideat, vel accidente ejus approbatione hic defectus postea supplatur, ut in Synodo generali 2. & 5. factum constat.

Tertiò, necesse est ut convocentur ex orbe Christiano quantum fieri potest omnes Episcopi, sic ut nullus ex Episcopis, qui diæcsum habet, positivè excludatur, nisi per excommunicationem ab Ecclesia segregatus fuerit. Sufficit autem absolute ad integratatem Concilii, ut saltem ex potioribus orbis Christiani partibus Episcopalia liqui adveniant, qui possunt ex Pontificis assensu cæterorum vices, & vota supplere; uti docet Suar. *hic diff. 11. Sæt. 2. n. 7.*

Obtinuit etiam consuetudo, ut advocentur Cardinales, Generales Ordinum, ac nonnulli Abbates, qui omnes cum Episcopis exercent munus Judicis, & suffragium habent decifivum, ideoque cum illis signant, *De- finiens subscripti.* Alii verò Theologi qui advocantur ut confultores, tantum signant, *Consentiens subscripti.* Adiungit etiam plerumque Imperatores, Reges, auc-

corum Legati, tantum ut testes, & Concilii defensores: his positis.

Dico Secundò, ab omni erroris periculo immunes sunt definitiones Concilii generalis absente etiam Pontifice concepta, si postea à Pontifice approbatæ fuerint. Quæ doctrina ad Concilia etiam particularia extendit, & inter Catholicos pro certa habetur.

Probatur primò. Quia approbatio Pontifice, de rebus à Concilio eo absentes decisiva, equivalent Pontificia definitione. Atqui haec tenus ostendimus Pontificias definitiones nulli errori obnoxias esse. Certa igitur est sequela.

Probatur 2. Quia Concilium generale cum Pontifice sic approbante definiens representat totam Ecclesiam; hec autem, dum Dei nomine loquitur, & aliquid definit, errare non potest. Idque confirmatur ex eo quod Concilii Nicenæ I. decretum à S. Cyrillo lib. 1. de Trinit. vocetur Sanctissimum & divinum oraculum: & S. Gregorius cap. 1. Epist. 24. Dicat se quatuor Concilia generalia, quæ ipsum præcesserunt, iusscipere ac venerari sicut quatuor Dei Evangelia.

Dico tertio, Concilium generale in suis definitionibus errare non potest, si neque Patres Concilii Legatis Pontificis repugnant, neque ipsi Legati contradicunt mandato & instructioni quam à Pontifice privatum accepterunt.

Nonnulli sunt Doctores Catholicæ qui hanc assertiōnem pro certa non admittunt, nisi Pontifex per se rem prius definierit. Bellarminus tamen libro 2. de Concil. dicit assertiōnem nostram videri certam: & Suar. hic diff. 5. Sæt. 7. n. 10. certam cenfer, & inter Authores communem. Ratio est, quia hic concurredit totum quod requiritur ad Ecclesiam Dei nomine definitiæ; nempe universalis Concilii definitio, simul cum instructione, assensiū & mandato Pontificis ut res summa potestate decernatur, quæ videtur positivæ Pontificis approbationi æquivalere. Ergo nihil hic desideratur, quo minus Deus per totam Ecclesiam hoc modo legitimè congregatam & consentientem loqui censeatur. Dico, per totam Ecclesiam, quia definitio Concilii particularis, cum tali Legatorum instructione, non debet necessariò censer ab omni erroris periculo immunis, cum Concilium particolare universam Ecclesiam non representet.

Dico quartò; Concilium generale congregatum absque authoritate Pontificis indubitate, potest in errorem prolabi. Certa est ex prædictis hæc conclusio.

Et pro-

Alsde-  
Kin

Rheo-  
logia

Et probatur, Quia assistentia Dei excludens errorum promissa est soli Pontifici, & Ecclesiae universae. Concilium vero sic congregatum, neque est Pontifex, neque Ecclesia universa, cum non includat auctoritatem Pontificis, qui est Ecclesiae caput & pars praecipua.

Dico quintò, Si Concilium generale congregatum sit pro aliqua necessitate Ecclesiae, Sede vacante, aut vivente tantum dubio Pontifice, suberit isti Concilio dubius Pontifex, eritque infallibile in iis quæ requiruntur, ut praesenti necessitatibus veniatur.

Quia nisi in hoc casu auctoritas suprema & ab errore libera Conclio competeret, non satis proficeret Christus gubernatione Ecclesiae dum Sedes vacat, aut de remedio tollendi Schismatis, quando inter plures contendentes de vero & indubitate Pontifice non constaret.

Dico sexto; Concilium generale, et si auctoritate Pontificis congregatum, errare potest, si neque Legatis suis, neque Concilio exposuerit Pontifex mentem suam de controversiis in unam partem decidendis, etiam si cum Episcopis Legat si cere consenserint. Hæc est communior sententia Doctorum cum Bellarmino *Hic lib. 2. cap. 11. contra Bannez, Amicum &c.*

Quia in tali definitione deest Concilio auctoritas Capitis simul docentis. Legati autem non ita representant Pontificem, ut illis docentibus censeatur Pontifex idem docere, cum neque Pontifex per suam instructionem id mandaverit, neque necessaria gubernatio Ecclesiae id requirit; pro rebus enim sic decisus postea Pontificis approbatio postulari potest. Non parum confirmatur haec doctrina ex facto Concilii *Caicedonensis Act. 3.* quod in epistola ad Leonem Pont. ubi postulat decretorum confirmationem, aperie faretur se eam petere, quoniam præter decretum fidei contra Diocorum, alia etiam quedam statuta erant sine expressa Pontificis sententia.

Neque refert, quod ante Pontificis confirmationem, Concilia quosdam hæreses damnaverint, ex eo quod suis Decretis non obtinuerint, id enim factum est ex eo quod Decreta illa manifeste Scripturis sacris, aut priorum Conciliorum definitionibus conformia fuerint.

## §. II.

### Pertinentia ad Concilium Provinciale, ac Diaconum.

**E**X dictis etiam commodè intelligitur, quibus limibus continetur legitimus ordo, norma, & auctoritas Concilii Provincialis, ac Diaconi, qua maxima ex parte formam modumque Concilii generalis imitari solent; in quibus, præter ea quæ hæc tenus resolvimus.

Observandum primò, Metropolitanum teneri statutis temporibus celebrare Concilium provinciale, nisi ob legittimum impedimentum à summo Pontifice dispensationem obtineat.

Concilii vero hujus celebrandi tempus, causas, modumque praescribit Tridentinum *Sess. 24. de reform. cap. 2.* Provincialis (inquit) Concilia pro moderandis moribus, corrigendis excessibus, controversiis componendis, aliisque ex Sacris Canonibus permisssis, renoveruntur. Quare Metropolitanus per seipsos,

vel illis legitimè impeditis, Coepiscopus antiquior.... quilibet taltem Triennio post octavam Paschæ, seu alio commodiiori tempore pro more Provincia, non prætermittat Synodus in Provincia sua cogere, ita Trid. In India tamen, ob distantiam Episcoporum provincialium, hoc triennii tempus ad Concilium celebrandum usque ad sextum annum à Sede Apostolica prorogatur.

II. Concilio Provinciali tenentur interesse Episcopi omnes, & alii qui jurisdictionem Episcopalem obtinent, ut sunt aliqui Abbates, & Priores, & quicunque alias iure vel confuetudine interesse solent, nisi obstat itineris grave periculum. Possunt quoque ex deputatione Pontificis adesse aliqui Presbyteri, aut Diaconi, & simul definiendi jus habere, ut factum est in Synode sub Symmacho Papa in Italia, in qua aliqui Presbyteri & Diaconi subscripti erunt; est enim hic actus non ordinis, sed jurisdictionis, quæ vel confuetudine, vel alio modo obtineri potest. Alii vero excepti, ubi confuetudo contrarium non obtinuit, cogi non possunt à Metropolitanano ut ad provinciale Concilium accedant.

Abbes commendatarii, & Capitulorum deputati obtinent vocem dumtaxat consultivam, Episcoporum vero absentium procuratores possunt etiam habere vocem decisivam, si Concilio provinciali vixum fuerit.

Quamvis etiam Capitula Ecclesiastica Cathedralem sint specialiter ad Concilium invitanda, & possunt etiam justas ob causas Laici quidam admitti, in eo camen votum five suffragium mere consultivum habere possunt, ut diximus de Imperatore, aut Rege in Concilio generali.

III. Decreta quæ in Concilio provinciali conduntur, non debent inconsulto Pontifice Romano publicari.

IV. Ad observationem decretorum Concilii provincialis obligantur omnes qui Episcopali jurisdictioni subduntur. Ad hanc tenentur etiam Exempti, ut sunt Regulares, in casibus quibus à jure communi, & Concilii decretis, specialiter Episcopis in eos potestas attributa est: & contra refractarios per juris remedia procedi potest.

Electio loci ad celebrandum Synodum provincialem posita est in arbitrio Metropolitani. Cessantibus tamen justis impedimentis, non esse relinquendam Ecclesiam Metropolitanam censuit Sacra Congregatio Concilii.

V. Synodus Diaconam quotannis celebrandam statuit Tridentinum supra *Sess. 24. de reform. cap. 2.* Ad hanc tenentur convenire etiam Exempti, qui alias cessante exemptione interesse deberent, nec Capitulis generalibus subduntur. Ratione parochialium Ecclesiasticarum accedere debent omnes qui earum curam gerunt.

Quod si Episcopus fuerit legitimè impeditus, potest celebrare Synodum Diaconam per procuratorem, aut suum Vicarium generali sufficienti mandato instructum.

VI. In Constitutionibus autem legitimè faciendis non requiritur consensus & approbatio Cleri, sed tantum assensus Capituli, sed neque hunc sequi necesse est, præterquam in quibusdam casibus à jure expressa.

§. III. Expos-